

海州吳氏楸灘公派世譜序

凡國有歷史家有世譜國史家譜大小社會之耳目耳目聰明見聞周密博通古今遍達事理齊家理國庶可有爲歐美列邦亦有國史未聞有家譜而偏在近東有此者倫理道德之發達餘波父慈子孝兄友弟恭追慕祖先修睦親戚無非吾生之探源沿流者也惟我首陽之吳譜距今三百餘年前甲戌爲始以來戊戌辛卯己丑壬寅鱗次繼刊壬寅以後到今還甲載譜人士殆作先天現存后裔無所可考譜自譜人自人雖係近族遠方逢着則未免疎忽吳越相對是豈同祖至情間事於是乎宗孫鼎根同數族人慨然留意謀諸年餘今纔收單然前日合譜諸族近已各成派譜云是亦遺憾而楸灘吾派今不得已先修家乘以待後日之同源諸派期成合譜長使後生相勉以孝悌敦睦之風是所懇願云爾

檀紀四二九四年辛丑

月

日後孫

德

泳

謹識

序跋

族圖舊序

先君子親自草創未及整頓而違世故往往職諱或有闕焉至於所載職諱亦未免一二之謬誤也且先君子嘗謂余曰吳氏正派泝流求源不止於此意其屬籍藏在禹氏之家姑待後日極本窮源而圖寫之未就素志遽不辛也可勝慟哉吾今當廬墓因其元本以圖之以終先君子未遂之志嗚呼先君子年老眼昏尙不憚勞神苦思爰輯古圖分別內外祖宗傳世之久使知積善之由其爲我子孫萬世慮至深遠也若職諱之闕正派之源行于宗族之門瀝觀屬籍庶可以知之矣雖或不知亦無害於此圖也

建文三年辛巳仲冬上旬四日前舍人吳先敬直夫謹書

族圖記

始吾年少蒙暗時先君即世諸叔父亦皆早歿祖宗世系直派杳莫聞知亦無可問處常以爲恨中年竊聞先世族圖在族兄安國氏家躬造訪問則有一障者大如一間壁許上書始祖檢校軍器監姓諱其下引畫而分派書內外子孫世系職諱無不備載乃同宗孫工曹典書諱光廷親自草創未及整

頓而違世其子成均直學諱先敬因其元本而圖寫之以終未遂之先志跋尾亦在余奉玩三復始知先世來派切欲借來而爲傳寫而安國氏以其見失爲慮不肯許只傳書直派而其餘內外子支未暇錄焉思欲更就盡錄而不久安國氏捐世人事多端遷延未果遂遭壬辰之變舉國奔波都城蕩覆灰燼之餘靡有孑遺意其此圖必不保存以其時未及傳寫爲平生一大恨去年秋舍弟希哲寓在土塘村先壠下幸逢安國氏弟憲國氏子璞居水原地者問其族圖有無則曰當初埋土獲全出藏其家云余聞來庶有得見之路喜不自勝今年春令二男允諧往水原取圖而來一一依本傳錄只因埋地之久頗有朽破難識處僅能辨別而書之因使允諧廣求高祖進士以下子孫支派內外世系無使遺落一一載錄成爲一冊而又恐不廣令余四男各書一本爲子孫永久傳覽也又考玄祖護軍以下墳墓所在州縣道里遠近石物有無山名村號俱錄位下欲使後世子孫知墓山所在而幸有尋見之路也司僕卿以上墳墓終不知在何處可勝惜哉嗚呼吾吳氏遠世未知出自何代直學跋尾亦不言遠世來派直以軍器監爲始意爲軍器監羅末麗初之人於余十三代祖也其後內外子孫世爲巨閥連婚大家或出於王后妃子但同姓不敷見錄不多至於入我朝尤不繁衍而吾曾祖提檢公以

異婆文雅爲世所稱連捷生進累對所庭所著詞賦傳播人口而終不得售  
豈命蹇而數奇耶吾先君亦生三男吾居長列吾生四子而長男允謙晚得  
文科其下三子皆志學而各生男子數已至八人又且年少必不止此昌振  
衰門深有望於子孫也其他宗族系派具載譜中不須更錄今於日錄傳寫  
圖本以爲後考也

萬曆庚子仲夏端陽日在平康西村寓家書之

右記贈領議政公諱

希文

始得舍人公圖本增加纂修因作記文使第二子

都正公書一本付于所著瓊尾錄卷末不但爲古蹟亦多有補於攷證謹  
此添錄

### 甲戌譜跋

上年秋翻有海西命將行拜今在相楸灘先生於漢江別墅告辭先生賜之  
坐不暇出一言即喟曰聞子有是命於我心有所感矣抑有所喜矣我首陽  
之吳麗初大姓也自始祖軍器監諱仁裕仕于朝厥後僕射諱札侍中諱延  
寵趾美中葉宗閥官績著於青史而氏族之譜亦行於一時可謂盛矣入于  
本朝吳氏不大顯有舍人先敬菟輯支派繼舊譜而成籍藏于家至今傳諸

同宗余使家弟都正允諧繕寫一本畢載始祖內外裔孫以謀刊鏤子之王父節度公實與於此事事未就而節度公下世家弟亦先朝露此所感也今子仕宦而駐節之地是乃鄉貫不特畫錦之有榮耀焉子必有意於吾與節度公所嘗謀者捐官俸之餘以濟其役氏族之譜復行於今與後以後生晚出皆得以寓目相勉以敦睦孝悌之風則吾責塞而吾子述事之道亦且盡矣此所喜也翻作而對曰不肖無狀荷祖先之靈際風雲之會忝竊方岳何敢不力於門戶大事而况承先生面命申之以王父遺志者哉遂辭既到首陽月餘鳩工創役以書走京師謁于先生日譜將入梓而吳氏之居本土者甚夥齊會館門請見翻使之前各以世系書進徐而察之本土之吳乃兩派而一則出於進士吳綱一則出於生員吳生韻今人相去各五六代而不知其源果同出於吾始祖軍器監否也然而皆爲海西望族而首陽之吳則一也願別刊兩派附諸族譜之末於義不可拒也惟先生裁之先生復曰唯唯刊譜旣完翻復以書請先生旣有譜而不有先生之文弁于卷首則後嗣何觀焉無惜軼墨餘事以命之翻待此而訖功先生復日子其詮次吾與子往復之語以識顛末跡矣翻不敢辭而遂書之是爲跋

崇禎七年甲戌七月三日後孫通政大夫守黃海道觀察使兼兵馬水軍節

度使巡察使翻謹跋

戊戌譜跋

右首陽吳氏族譜凡十二編爲四冊子曾在崇禎甲戌王考天坡公按節海西時取都正吳公允諧所修譜牒刊行於世厥後世代寢遠子姓蕃衍宜有重修之舉而遷延未就我仲氏海昌公慨然興思俾不佞纂集而增補之仍捐家帑命工剞劂功未及卒而不幸仲氏遽捐館舍轉眄之頃人事嬗變則斯役之成其將自此而無期矣爲是之懼集工匠督事役越數載而功告成若其校讐之有疎謬刊刻之欠精緻恐不免當事之責然而我祖先之積德垂裕大昌厥後者因此昭著於一世而仲氏善繼之勤志亦得以不墜則罪我知我宣皆在此覽者其或有以容恕之也

崇禎甲戌後八十五年戊戌孟夏上浣後孫晉周拜手謹書

辛卯譜跋

族必有譜而重之以修明者昭來許於百代懼塗人於一身將以不斬之澤克昌之緒益求其悠大遺裕永垂無替則追遠之德可以歸厚矣重修之工

庸可已乎我吳譜昉於舍人公諱先敬圖本而圖在同宗孫安國氏家繁我五代祖贈議政公眷眷宗牒圖之壽後蒐羅於龍蛇兵燹之餘爰命二胤都正公傳寫圖本裒衍收錄藏之篋笥未遑梨棗適會天坡公按節於系出之地我高王考楸灘先生託以都正公所傳本謀之刊鏤譜始行于世而其詳畧之節中至于海昌公暨正郎公繼編修而遂核而備矣顧今歲月寢久支裔蕃衍源派之散錯氏族之疎近無以辨別而詳識守窮閭爲清門者墜泯前徽亡失祖系貿貿焉莫知所自悲夫而況湖南之僞牒海西之私本職由於譜不重修而其流必至於無譜而後已所以中外之績歲屹々僉日重輯于以始事推廣舊本參互百氏釐闕畧於本支別重輕於內外徵金石而或載于原派溯源流而或附之追錄暈爲十四編名以甲癸又或間之以上中下綱條範例視昔日有加詳我先世樹基純篤毓祉垂美之德名碩輩出彪炳家國之休燦然益光以遠近宗支昭穆秩叙各知來處無復有黃魯直失譜之歎將見培養積善雍睦周親同歸于攝人心厚風俗之美矣斯譜也庶幾乎尊宗收族永世有裕而孝悌之心亦必油然而生凡今同姓觀吾譜而其不勉夫

崇禎甲申後三辛卯仲夏後孫命久敬跋

癸卯譜跋

凡人之生莫不由一人之身分而爲昆弟至於功總以至親盡親服盡世代寢遠則便如塗人始以一人之身終至於塗人勢然而理豈然哉如木之千支始於同根水之百派始於同源溯其同根同源豈不外乎修譜昭系而已惟我首陽之吳譜昉於甲戌再繼於戊戌三繼於辛卯四繼於己丑今七十餘年支益繁派益分不得繼修往在己丑宗孫族叔商默氏懼久而散佚只修監役公子孫錄欲爲派譜未及經紀而歿以余謫劣質昧憫其事之未就與族叔敬默氏族姪周泳若干人詢謀大宗自教導公兩胤子孫七派釐爲大譜以歲壬寅二月始役至翌年癸卯四月告竣見漏於譜者惟獨貞武公派也此派以去庚寅已有修系不爲修單溯其甲戌舊譜天坡公按節貫鄉時承楸灘公志意剋刊迄于己丑仍舊繼修者後屬踈遠議論不一合而忽分至於見漏可勝慨歎哉是譜之成也在於七十餘年之後旣成而吾祖先偉德豐功光明益顯于世後來之繼是而修可以明宗族惇睦之誼以無墜祖先垂裕之至意是所厚望於吾宗子孫云爾

光武七年癸卯孟夏下澣後孫從二品嘉善大夫宮內府特進官長善再拜  
謹序



海州吳氏楸灘公派世譜卷一

一世

吳仁裕

高麗檢校軍器監

二世

子周裔

內庫副使

三世

子民政

文科秘書省監

配平康蔡氏父員外郎椿外祖禮賓寺卿闕志寧

四世

子札

文科太子詹事府詹事

追封金紫光祿大夫尚書省左僕射配水原崔氏父員外郎執圭祖太倉署丞敦義曾祖翰林學士妻伯外祖承宣稷山崔光裕

五世

子昇

東大悲院錄事

追封中正大夫典客寺令

配慶州金氏父禮部侍郎信祐祖平章事起孫曾祖門下侍中太學士台瑞外祖寶文閣直學士全州崔允愷

六世

子孝成

大護軍

子孝純

知白州事

見舊譜

无男

七世

女朴仁海

安東府判官

子士雲

泰安知郡事

見舊譜

子士廉

書雲觀副正一云司僕寺卿

配順天金氏父郎將允富祖判典校寺事天皓

八世

子希敬

中和知郡事

配仁同張氏父司僕寺卿安起

見舊譜

九世

子重老

龍驤侍衛司左領護軍墓龍仁郡遠三面雙嶺山東麓聖齋洞癸坐禮

十世

子繼善

見三字長卿

太宗癸巳三三六六年生戊午司馬官通仕郎槐山教導

札

海州吳氏楸灘公派世譜卷一

上系

一